



Udruženje „Ruku na srce“  
Hakije Turajlića 33, Sarajevo  
Bosna i Hercegovina  
Tel: +38761501332  
Email: rukunasrce@gmail.com  
[www.rukunasrce.ba](http://www.rukunasrce.ba)

## **Na koji način je moguće ostvariti suradnju - finansijski ili u vidu donacija igračaka/slatkiša/paketića?**

Oba vida suradnje/donacije su moguća, a izbor prepuštamo donatorima. Ukoliko se radi o novčanoj donaciji, uplaćena sredstva će biti iskorištena za kupovinu sadržaja koji nisu prikupljeni tokom akcije, nakon čega na zahtjev donatora dostavljamo račun kao potvrdu o utrošenim sredstvima, te pisani izvještaj.

## **Kolika je cijena jednog paketića?**

Iako broj djece na našim spiskovima raste iz godine u godinu, trudimo se staviti kvalitet ispred kvantiteta. Cijena paketića je u prosjeku 30-40KM, a tačan iznos zavisi od kategorije. Naime, paketići se pakuju prema starosnim kategorijama (0-2, 3-5, 6-7, 8-11, 12-14 godina), koje definiraju njihov sadržaj (baby kozmetika, baby hrana, higijenski proizvodi, igračke, školski pribor, odjeća, slatkiši, ...).

## **Da li postoji neki konkretan sadržaj (edukativni ili zabavni) koji bismo mogli donirati?**

Konkretan sadržaj paketića se mijenja iz godine u godinu i ovisi o pristiglim donacijama i ranije pomenutim kategorijama. Do sada su kao edukativni ili zabavni dio bile uključene slikovnice, bojanke, knjige, slagalice, društvene igre, školski pribor i slično. Ukoliko i vi imate neki sadržaj za koji mislite da bi mogao biti zanimljiv mališanima, svi prijedlozi su dobrodošli.

## **Djeca kojeg uzrasta i iz kojih organizacija su obuhvaćena akcijom?**

Kao što smo već ranije spomenuli, paketići su namijenjeni djeci od 0 do 14 godina, a spiskovi se proširuju svake godine. Prošle godine smo u okviru projekta Nijedno dijete bez paketića podijelili 1650 paketića djeci iz sljedećih gradova/udruženja:

Udruženje „Ruku na srce“  
Hakije Turajlića 33, Sarajevo  
Bosna i Hercegovina

Tel: +38761501332  
Email: rukunasrce@gmail.com  
[www.rukunasrce.ba](http://www.rukunasrce.ba)

Br.Ž.R.: 1990490056036171  
Sparkasse Bank

1. djeci iz socijalno ugroženih porodica sa područja Kantona Sarajevo
2. djeci uključenoj u program "Jačanje porodice" pri organizaciji SOS Dječija sela Bosne i Hercegovine
3. djeci iz Udruženja oboljelih od multiple skleroze Kantona Sarajevo
4. prvačima OŠ "Srednje"
5. djeci iz OŠ "Grivice" – izbjegličko naselje Ježevac
6. djeci iz OŠ "Kamenica" kod Zvornika i OŠ "Drinjača"
7. Udruženju samohranih roditelja
8. Udruzi „Pravi put“
9. Jednom razredu u OŠ "Sokolje" u kojem se nalazi dijete sa invaliditetom (suradnja sa Džemidžić Jasminom u svrhu promocije inkluzije djece sa invaliditetom)
10. mnogobrojnim porodicama koje su se obratile Udruženju za pomoć.

Djeca iz gradova/udruženja navedenih pod brojevima 1.-6. će i ove godine dobiti paketiće, a u zavisnosti od pristiglih donacija i broja pripremljenih paketića, uključit ćemo i djecu iz preostalih ranije posjećivanih udruženja/gradova, kao i novih koja nam se javljaju sa molbama za donaciju. Ohrabreni tendencijom rasta broja paketića u prethodnim godinama, nadamo se da ćemo ove godine obradovati više od 1650 mališana.

**Da li postoji mogućnost da naši zaposlenici ukoliko bude postojao interes volontiraju?**

Naravno. Novi volonteri su uvijek dobrodošli, kako tokom pakovanja paketića, tako i na dan same manifestacije.

***Za sva dodatna pitanja, stojimo Vam na raspolaganju.***

***Kontakt osoba:***

***Elma Adanalić, FR Tim***

***Tel: +387 61 414 551***

***Email: rukunasrce@gmail.com***